


嚴州圖經
附校字記
二





嚴州圖經

附校字記

(二)

陳公亮修

中華民國二十五年十二月初版

重修者 陳 公 亮

發行人 王 雲 五
上海河南路

印刷所 商 務 印 書 館
上海河南路

發行所 商 務 印 書 館
上海及各埠

嚴 州 附 二
叢 書 集 成 初 編
王 雲 五 主 編
圖 字 校 附
經 記 冊



叢書集成

初編

主編者
王雲五

商務印書館發行

爽秋六兄屬從

文瀾閣鈔景定嚴州續志十卷以寄京邸

閣本卽從宋刊新定續志而出四庫總目續志條下載有紹興舊志今佚之語按之士禮居題跋記新定續志夾注嚴州圖經爲嚴姓物嚴於數年前得於崑山價止青蚨三兩二錢藏金紙面裝四冊止存三卷一百二十八葉云是太倉金元功家物及檢葉文莊棗竹堂書目載有嚴州圖經無卷數冊數當是葉傳之金而金又散出者也先是書友攜是書來索直百千余未及還價而卽取去後嚴持示錢竹汀先生先生以爲世無二本當

寶愛之故近日欲請觀每託言爲友借去不能再見然屬書友及與嚴素識者往探消息總以議價定妥然後索歸惜余買書金盡未能如數與之致書不能復合云云亂後此書爲陸存齋所得今借而影鈔卷端有嚴豹人小印的爲嚴氏舊藏惟首卷葉數爲書估改填以順次第其實尙闕十數葉其後五卷更不可攷矣旣鈔臧於八千卷樓復鈔寄爽秋以冠景定之續爽秋方僉理各國事務重洋絕域山川風土商貨互市罔不歸之譯治近年日本高麗舊刊古籍日出不窮禮失求野安知後闕五卷不更爲爽秋搜得而合延津之劍以慰桑梓

之思乎光緒壬辰閏六月三日錢塘弟丁丙識

嚴州圖經重刊校字記

第一葉陰七行珠潢疏潤疏疑作流

陰八行聰達蘊自然之質 原作聰建案聰建
不可通聰達有才見漢淮陽王憲傳聰達方直
見後漢蔡邕傳辯知聰達見說苑清則聰達見
道德指歸論其外尙多今改

第七葉原八之十二陽五行而汎歷代以來句疑有闕
文

子城圖東銀潢左界南翔□字闕 常倉疑是常平倉
府內外城圖卽作常平

建德府內外城圖縣丞廳北側有一廳字上不知原有

字否 大成殿東有廳而上無字

建德縣境圖西北徐偃王廟南資□□ □勝院不知

是原闕否案後圖經是資福院崇勝院 建德

鄉東南 □ 無字亦原闕否

淳安縣圖安福經作蒙福集賢經作進賢和義鄉圖經

無之圖經之清溪鄉此亦無之 縣內東嶽廟

右□應廟不知原闕否查圖經是真應廟補

縣東某諸院圖經作某褚未知孰是 東南龍

巖院疑卽圖經龍巖尼寺

遂安縣圖西城隍廟右平倉疑是常平倉

分水縣圖東北秦逝山 謹案

一統志作秦遊山疑遊字是今改 西北口鴻寺原闕

圖經卷第一第一葉原作卅九自此下至卷一止九十

九號四十葉後有又四十一葉

第五葉原四十三陽五行東北曰百順案前建德府內

外城圖府境總圖皆作柏順不知誰是 注善

利門舊有復城出溪湖兩閒復城當作複城今

改兩閒二字疑

第八葉原四十五陰四行知州陳公公亮以新定下缺

一行

第十一葉原四十八陽六行抵當庫在州東

口比案比較務

案比

較務上闕一字

第十二葉原四十九陽六行壯城營注闕十餘字

第十八葉原五十五陰五行紬舊額二萬二千 百六

十二匹案千字下空一格原闕

第二十葉原五十八陰七行原闕

第二十二葉陰七行國朝皇祐中建至二十三葉陰六

行古跡止原作六十一號

第二十三葉陵仙角起至蕭幾卒于官原作六十號今

改正

第二十四葉原六十一江秉之下所得秩悉散之親故
此據南史宋史秩下有祿字 羊欣下人生仕
官至二千石案南史宋史均作人生仕宦今改
第三十葉原六十七陽十行鄭仁弼自尉衛少卿拜案
唐書祇有衛尉少卿今改正

陰一行呂述注自鹽欽推官祠部郎中拜欽字
當是鐵字今改唐書無鹽欽推官

第四十一葉原七十七陽九行張宗愈以朝奉郎提轉
主藏庫到轉主疑是轄左今改

陰一行徐材開禧二年三月滿次行衛漑寶慶
元年到中闕開禧嘉定二十年題名查次葉陰
第七行柴幾是開禧元年到由柴幾以下至衛
樸共十一人到滿年月正在開禧嘉定二十年
中是柴幾應接徐材之後衛漑應接衛樸之後
柴幾以開禧元年四月二十九日到徐材以開
禧二年三月滿元年二年必有一誤

又寫書人貢一疑云查正倅題名職官朱輦以
下多第七十七葉職官二十名且年月不符合
七十八葉曾桌到官年月適與朱輦交替月日

合十三年三字疑係五年此七十七葉之趙師
慮以下二十名當在添倅職官趙子覺以後則
年月相符且添倅職官皆有年月無日趙師慮
以下亦是有年月無日似應移趙師慮二十人
於添倅之內今仍其舊附著其說於此唯郭磊
卿以下六人仍有日似其說亦未安耳

第四十二葉原七十八葉陽八行曾桌至陰六行皆係
淳熙十五年三月初三日至開禧元年四月二
十九日職官與前葉趙師慮以下九人年月相
複陰六行林谷滿日卻與柴幾到任月日同

第四十五葉原八十葉陰四行鮮于价注除□監登門

檢院監字上脫一字登聞改正

第四十七葉原八十二葉陽二行至六行原有闕文

第五十葉原八十五葉陰三行於是士無權與之歎前

廊日人七百當是士無權與之歎前廊日人七

百今改

第五十一葉原八十六葉陽四行注賜呂蒙正以下及

並賜袍笏及字下脫第字今補

陽五行注又 御詩御字上空一格

第五十七葉原九十二葉陰三行本待問榜查萬姓統

譜屋韻木待問隆興初進士第一是木誤本今改

第五十九葉原九十五葉陰十行趙築夫疑是宋季三朝政要之趙斂夫

第六十二葉原九十七葉陰六行遂歷禮宮以徵猷閣待制還鄉里案當是遂歷禮官以徵猷閣待制還鄉里今正

第六十三葉原九十八葉陽三行興所以啟悟君心者興宜作與今改

圖經卷第二第一葉至卷二止原作一百葉至一百二

十八葉

第五葉原一百四葉陰七行林師說注因以獲倪從慶
轉通直郎案因以二字必有一衍文倪字書不
見疑是仇字

第七葉原一百六葉陰四行何武仲下十二年十一月
初八日下應有任滿字

第八葉原一百七葉陰八行呂延年下除軍器監主講
查宋史職官志軍器監祇有主簿今據改

第九葉原一百八葉陰七行杜林下當年九月二十八
日下應有任滿字

第十二葉原一百一十一陰七行十處買樸案宋史作買
撲本書下亦作買撲今改

第十四葉原一百十三陰一行至四行原闕字

第十七葉原一百十六陽七行仁宗御飛帛書當作飛
白書 皇太后以下施利興義澄劄子興字不

解

第二十葉原一百十九陽六行詔山注南唐李王景保
大士年疑是李主景保大七年其寇果潰定是
果潰今改

陽九行注迺旌其廟表于朝忠烈太守陳晟云

云按忠烈是隋司徒陳之封太守陳晟上加此
二字不解

陰一行注祀夫二字疑是祀天今改

陰五行注詔徙之當是詔從之今改

第二十一葉原一百二十葉陽六行注宣和二年云云
原在此處似格正文奉敕加封文氣

陽九行注按新定雜記舊本云云似是前鎮甯
侯廟注已有城下正臨土地廟語亦難解

第二十二葉原一百二十一陽一行土團兵士鎮銅官
山江女柅制衢信黻歛此處疑有誤字

第二十五葉原一百二十四陰三行注已有祠廟門應
是已見今改

第二十七葉原一百二十六陽七八行乞充旅生池詎
今不廢當是乞充放生池距今不廢今改

第二十八葉原一百二十八陰十行取帛聘不就句疑
第二十九葉原一百二十八陰六行烏龍 廟碑以下

原闕

圖經卷第三第一葉至卷三止原作一百二十九至一
百四十九葉

第三葉原一百三十一陽九行宣化里下原闕二里

第九葉原一百三十七陽五行遞年往賣五百斤案前
作遞年住賣今改

第十葉原一百三十八陽二行認還名課錢外名字當
是各字今改

第十一葉原一百三十九陽九行及三十開以上者當
是三十開今改

第十六葉原一百四十四陰七八行而此廟之神疑爲
地也地字當是坦字今改

第十八葉原一百四十六陽六行今觀山形盤礮案當
作盤礮今改

陰二行觀察使縣改今名案前作觀察使牒改
今名今改

陰三行重院山山有二院故以名謹案

一統志亦作重院云下有二院是二院字爲二院之訛
今改

第十九葉原一百四十七陽四行洞澈隨深淺皎鑑無
冬春案沈隱侯集作洞澈隨清淺皎鏡無冬春
存異文

圖經卷第二

歷代沿革

望建德縣本漢富春縣地

晉簡文鄭太后諱阿春孝武改曰富陽

吳孫權

黃武四年分富春置隸吳郡封子皓為建德侯晉宋以

後皆隸吳郡梁普通十年割隸東陽郡隋開皇九年縣

廢併太末豐安三縣入金華改為吳甯縣後復為金華

屬東陽郡大業十年立為鎮唐武德四年復為縣隸嚴

州

時即桐廬七年州廢省縣入桐廬雉山永淳二年復

置隸睦州神功元年移州治歷唐末五代及錢氏汜

國朝皆因之正

本字犯仁宗嫌名

元中為緊縣元和中為上縣

唐志如之

國史九域志皆爲望縣

縣境

道路附

東西一百三十里

南北八十里

四至八到

東至桐廬縣界五十里以安仁牌爲界自界至桐廬

三十五里

西至壽昌縣界六十里以菱塘爲界自界至壽昌二

十五里

南至婺州蘭溪縣界六十里以花塘爲界自界至蘭溪三十里

北至分水縣界六十里以胥嶺爲界自界至分水六十三里

東南到婺州浦江縣界七十五里以并阮爲界自界到浦江三十五里

西南到婺州蘭溪縣界四十里以檀嶺爲界自界到蘭溪四十五里

東北到桐廬縣界五十里以楊闡橋爲界自界到桐廬三十五里

西北到分水縣界四十五里以峽嶺爲界自界到分水五十三里

水路

歙港水路在縣南西泝入淳安縣一百八十里東沿入桐廬縣九十里

婺港水路在縣東南與歙港合泝入婺州一百四十五里

社

社壇在城西北五里

鄉里

買嶺鄉管里三

賣劍里

息奸里

豐稔里

新亭鄉管里五

仁愛里

余浦里

仁豐里

惠及里

孝悌里

宣政鄉管里七

金靈里

宣風里

白鳩里

中義里

叔度里

求蘇里

常樂里

白鳩鄉管里五

甘泉里

謝浦里

萬俞里

雲思里

上浦里

建德鄉管里五

東林里

旌孝里

大川里

馬目里

沿江里

慈順鄉管里七

胥源里

麟化里

清風里

新義里

楊溪里

招賢里

均平里

龍山鄉管里三

弦歌里

下坑里

靖泰里

仁行鄉管里三

慈孝里

延化里

懷仁里

芝川鄉管里二

節婦里

隱溪里

戶口

舊經載晉太康戶三百四十七宋志戶五百七十而不載

國朝戶口數

紹興己未戶一萬六千九百一十二萬二千六百五

十六

今戶二萬四千八百三十一

丁三萬七千八百九十一

工廨舍

縣衙在子城東

係京朝官知縣事

丞廨舍在縣衙內西偏

主簿廨舍在縣衙內西偏

尉司在善利門外

管界巡檢司在縣東三十里張村

管土軍一百人

知縣題名

建德爲縣唐永淳以前廢置不一更五代暨

本朝以至于今五百七十餘載紹興四年知縣黎詔始
創壁記其錄前政名銜滿替年月起宣和止紹興續書
至紹定纔四十有八人厥後因循皆不復錄新定有志
亦闕焉弗書寶祐二年東嘉趙崇洵來領邑寄首取圖
經閱之喟然歎曰古者建萬國爵五等碁布星羅四周
于天下凡皆以爲民極今縣有宰正古子男之職於民
尤親志何可闕矧建德爲新定望邑而又附郭訟牒旣
夥版賦益艱皆宜剔梳尤以學道愛人爲第一義民不
忍欺奚獨子賤專以德化奚獨魯恭縣稱神明天下第

一奚獨丘仲季帝嘉清白為百城最奚獨樂法才古詩
云世間萬事俱塵埃惟有棠陰垂不朽盍序次姓名悉
登郡志俾來者見賢思齊亦新定道院一助云嘉定癸酉何大

參詹嘗為潘宰檜大書新定道院四字俾扁之縣齋有寓公崇道唐知府憇為之序

葉輝

宣和三年四月初六日以從政郎到任宣和六年十二月十六日罷

劉何

宣和七年三月初十日以通直郎到任靖康元年八月二十一日罷

林師說

建炎二年八月二十六日以宣教郎到任三年三月因以獲仇從慶轉通直郎三年九月

因收石環轉奉議郎當年十一月二十八日改本州添差通判

姚焯

建炎四年四月初五日以通直郎到任當年十月十三日罷

徐琮

建炎四年十月十四日以右承事郎到任紹興二年十月十七日罷

楊彥

紹興二年十月二十八日以宣教郎到任紹興四年十一月十五日罷

黎詔

紹興四年十二月十六日以右朝奉郎賜緋魚袋六年正月二十八日轉朝散郎七年四

月初十罷

熊適

紹興七年七月二十二日以左承議郎到任九年二月轉左朝奉郎十年七月二十一日

罷

李球

紹興十年七月二十二日以右承奉郎到任十三年八月初九日任滿

鄭鞏

紹興十三年八月初九日以右承事郎到任十六年十月初十日任滿

張莘

紹興十六年十月十日以左宣教郎到任七年四月磨勘轉左奉議郎十八年二月二十

七日改知紹興府會稽縣

鄧昌時

紹興十八年七月初四日以右宣教郎到任紹興十八年十二月十八日尋罷任

洪誼

紹興十九年四月十九日以左宣教郎到任
十一年九月磨勘轉奉議郎二十三年四月
十七日滿

俞顏

紹興二十三年四月十七日以右通
直郎到任二十六年四月十七日滿

章璿

紹興二十六年四月十七日以右奉議郎到
任二十七年轉右承議郎二十九年閏六月

初二日
任滿

周邦

紹興二十九年閏六月二日以右宣教郎到
任三十一年三月轉右通直郎三十二年九

月轉奉議郎當
月十二日任滿

張傑

紹興三十二年九月十二日以右奉議郎到
任當年十月轉右承議郎十二月初五日丁

母憂

趙茂

隆興元年二月初五日以右奉議
郎到任當年十二月初五日罷

馮世顯

隆興二年二月初五日以右宣教郎到任乾道二年十二月初五日轉通直郎二年十二

月六日滿

毛煖

乾道二年十二月六日以右宣教郎到任四年二月十五日轉右通直郎

趙不悞

乾道五年十二月十二日以左承事郎到任六年五月十日轉左宣教郎九年二月初二

日任滿

惠養民

乾道九年二月二日以右宣教郎到任當年二月二十日轉通直郎淳熙元年三月十三

日賜緋魚袋二年二月十二日任滿

何儼

淳熙二年三月十二日以奉議郎到任四年三月十一日賜緋魚袋當年三月二十六日

任滿

高鵬

淳熙四年三月二十六日以奉議郎到任

胡燮

淳熙三年五月十日以宣教郎到任當年十月十日轉通直郎八年六月三日任滿

孫泰輔

淳熙八年六月三日以宣教郎到任

何武仲

淳熙九年八月初十日轉奉議郎十二年十一月十一月初十日轉奉議郎十二年十一月十一月初十日轉奉議郎十二年十一月十一月初十日轉奉議郎

八月初十日

蘇林

淳熙十二年十一月八日以宣教郎到任十三年六月二十日轉通直郎十五年十一月十一日賜緋魚袋當年十一月二十三日任滿

邵暹

淳熙十五年十一月二十三日以奉議郎到任四月初一日轉承議郎紹熙二年六月初一日轉朝奉郎八月初九日罷任

王可大

紹熙二年十一月二十四日以宣教郎到任五年二月磨勘轉通直郎九月覃恩轉奉議郎賜緋魚袋慶元二年二月二十三日避親離任

張宗穎

慶元元年十二月八日以朝散大夫到任三年二月二十二日通理離任

葛拚

慶元三年二月二十二日以奉議郎到任六年二月二十一日轉承議郎閏二月十九日

滿任

何松通直郎

王中行

嘉泰元年四月三日以宣教郎到任二年三月十一日磨勘轉通直郎

王松宣教郎

施一鳴宣教郎

唐仁傑宣教郎

潘檜

嘉定五年四月十六日以宣教郎到任十四年二月轉通直郎八年八月二十一日滿

陳德一

嘉定八年八月二十一日以宣教郎到任十一年十月轉承議郎十月二十五日任滿

楊總

嘉定十一年十月二十六日以奉議郎到任十四年二月二十四日特差充淮東總領所

幹辦
公事

曾樵

嘉定十四年六月十三日以通直郎到任十五年該寶賞轉奉議郎十六年十一月十四日通理

替滿

史湜

嘉定十六年十二月十四日以宣教郎到任十七年二月磨勘轉通直郎十月該覃恩轉

奉議郎十一月賜緋魚袋寶慶元年十二月十七日滿

呂延年

寶慶元年十二月十七日以通直郎到任二年正月七日得旨與職事官差遣二月十

四日除軍器
監主簿離任

王寓

寶慶二年三月二十四日以通直郎到任當年十月磨勘轉奉議郎紹定二年四月初五

日替
滿

趙伯代 寶慶二年四月初五日以承事郎到任四年正月磨勘轉宣教郎五月該慶典轉通直郎

陳巽

沈愿

陳伯鼎

孫自中

嘉熙元年八月二十三日以奉議郎到任二年四月磨勘轉承議郎當年七月用戰功酬賞特轉朝奉大夫初四年五月磨勘轉朝散大夫初四日滿替

趙希倉

嘉熙四年五月初四日以奉議郎到任淳祐轉朝奉郎當年十月磨勘轉承議郎三年二月磨勘

金應辰

淳祐三年十二月初三日以奉議郎到任五年六月初三日磨勘轉承議郎

黃湛

淳祐六年四月初二日以承事郎到任

滕士脩

淳祐九年八月

日以承事郎到任

惠德夫

淳祐十年二月十一日以通直郎到任十二年正月旦日磨勘轉奉議郎當年三月初八

日準省劄特改差提領
江淮茶鹽所主管文字

顧岳

淳祐十二年六月初二日以通直郎大理評事到任

趙崇洵

寶祐二年三月十五日以奉議郎到任寶祐三年十月磨勘轉承議郎寶祐五年正月磨

勘轉朝奉郎當年

杜林

宣教郎寶祐五年三月二十八日到任當年九月二十八日

館驛亭附

朱池驛在縣西三十里當衢州大路

胥村驛在縣北二十五里當臨安府大路

三河驛在縣南五十里當婺州大路

萬松亭在州北二里

土貢

絹三匹

布一匹

稅賦

茶租免役和預買附

夏稅

絹舊一萬六百七十九匹三丈三尺七寸今四千

六百六十疋有畸

紬舊一千八百八匹一尺五寸今一千三百七十

六疋有畸

縣舊九百三十二屯二兩七錢今二千六百五十

兩

秋稅

苗米舊三千一百七十九石五斗四勝九合八勺

今三千二百一十七石八斗有畸

茶租錢舊額三千二百七十二貫文

今收二千貫文

免役錢舊額一萬四千三百九十九貫六百一十八

文

今收一萬一千五百三十一貫三百六十一文
和預買

絹舊一萬二千一百七匹今一萬一千六百七匹
紬舊四千五百匹今三千二百二十六匹

絲五千兩無增減

生紬線八百兩無增減

課利

茶

遞年批發四十四萬七千四百四十斤計引錢七萬
五千五十二貫文紹興己未批發四十六萬

四千一百四十斤計引錢七萬七千六百七十六貫文

今批發四十四萬二千二百斤計引錢九萬七千五百四貫文

遞年住賣一千九百四十斤計引錢三百四十貫文
紹興己未住賣二千一百斤計引錢三百五十七貫文

今住賣一千六百斤計引錢三百五十二貫文

鹽

遞年一百六十七萬四千斤計引錢七萬二千二百二十

二貫文紹興己未賣一百六十七萬八千二百斤計引錢七萬四百二十二貫文

今賣一百四十七萬七千八百斤計引錢一十萬三千四百四十六貫文

香

遞年一百一十一兩計引錢三百一貫五百文紹興己未賣一百一十兩四錢計引錢四百九十四貫三百六十文

今賣一百八十六兩六錢計引錢二百四貫一百四十五文

礬

遞年九百斤計引錢一百三十二貫文紹興己未賣

一千斤計引錢一百四十四貫文

今賣一千一百三十七斤計引錢一百一十三貫

七百文

酒稅

村坊舊額一十六處十處買撲六處分認元額一界

淨利錢一萬二千九百七十三貫九百一十

文

今額村坊一十一處買撲五處一界淨利錢九千

九百七十八貫七百六十四文增添五分錢
四千九百八十九貫三百八十二文

每月課利錢舊額一百八十二貫七百六十一文
今額九十貫九百文

牙契稅錢租額一千六百一十七貫紹興己未收六
千八十貫

今收九千二百七十二貫五百文

寺觀

報恩廣孝禪寺在水南五里山上慶厓中建名廣靈

寺崇甯二年

詔改爲崇甯萬壽禪寺政和元年改爲天甯
紹興七年

詔改今名

景德禪院在百順門外四里唐正本字犯仁宗嫌名觀中建

名多福院

國朝改今名政和中改爲神霄宮靖康初復舊

法言寺在水東門外西湖心靖康元年僧文佐造華
巖堂州人名之湖心寺建炎四年以遂安縣
廢額榜今名寺爲湖水環繞真是水中可居
之地紹興八年作飛橋跨其西榜曰寶華洲

又於寺東水際面東山作亭名曰晨光後改

爲浸雲湖中有畫舫名曰漾月齋今廢壞

觀音院在望雲門外五里唐正

本字犯仁宗嫌名

觀中建

下塔院在望雲門外五里有善導和上塔建中靖國

元年知州馬玘於此祈禱有應請于

朝封廣道大師

高峯院在東津山上距城五里唐善導和尚之道場

院有靈感觀音像遇旱禱雨有應紹興七年

知州胡寅作亭其上俯瞰二港匯流以其近

嚴陵瀨名曰高風亭

保

五里舊名靈山寺在芝川鄉

此政和二年

陵

九峯菴在和平門外

里寶元二年建政和

五年僧智自增廣環菴皆山山列九峯故以名

玉泉菴在仁安山之東麓距城七里不知建造之始

有陳學古隸書玉泉菴三字爲之榜學古文

惠公之子也書肖其父菴之西有泉冬夏不

竭昔人甃石爲瀑流如噴玉然故以名之舊

有屋相對名玉泉亭紹興八年移亭跨水上
卽故基作性樂堂又卽玉泉亭之南近水源
作亭名曲水螯石其中可以流觴亭相對有
屋故諫議大夫江公望名唯菴菴之上有石
佛歲久其石漸長殆所謂息石也初入山縈
紆松徑有亭當路名曰尋幽又自石磴而上
有亭名曰競秀然後至庵

龍堂院在城之北半里舊在仁安山下朱梁時移於
此

澄溪菴在仁安山麓相傳爲唐韶國師建菴處按澄

溪菴舊在城東碧溪經亂不存紹興五年僧道照卽此地作屋以居州人爲取庵名榜之雲居菴在城之東三里

國朝康定中立名

靈瑞院在宣政鄉桐溪距城十五里後唐時道人智通作菴於此

國朝開寶中僧道寶卽遺基募緣建

集福院在宣政鄉大洋距城二十五里相傳有僧於此地拾得一石像佛形因作小寮

國朝乾德中勅爲院

下竺院在宣政鄉下竺源距城三十里相傳後唐時
有僧作菴於此後漸成小院因地立名

大甯院在宣政鄉下竺源距城三十五里唐光啟二
年建

太平院在白鳩鄉三河距城五十里舊院久廢漢乾
祐二年僧曉明卽故基重建

資壽院在白鳩鄉石塘距城四十五里相傳有僧於
此拾得泥佛因作菴後建爲院

悟真院在新亭鄉杜塘距城三十里唐慶明中建
興福院在新亭鄉巖山距城二十五里舊係明山巖

前寺唐會昌中廢至錢氏當

國朝乾德中重建政和五年僧靈皎出緡錢
八百萬一新之故諫議大夫江公望爲之記

仁王院在新亭鄉翁村距城二十里後唐時建

靈石院在新亭鄉守祿村朱梁時有僧作菴於此

國朝建中靖國年知州馬玕爲立此名

福安院在龍山鄉黃饒距城三十五里錢氏時有僧
作小寮後漸成院因立此名

極證院在龍山鄉盤常距城二十里

國朝元豐中建

宗勝院在慈順鄉唐村距城三十里舊名龍門白佛院大中祥符八年

敕賜今額院昔有僧義澄號常坐不睡長老眞宗嘗賜以御製詩云止觀心地法色相本皆空禪慧明宗性超然萬法中院有大中祥符二年賜義澄物數劄子

仁宗御飛白書五軸

皇太妃已下施利興義澄劄子及

皇太后賜銀二百二十四兩令作水陸道場
資薦

真宗忌辰劄子今並存

資福院在慈順鄉沙坑距城五十里

依圓院在慈順鄉石樓距城五十里唐末建

竹林院在慈順鄉楊溪距城六十里

國朝皇祐元年建

壽聖普光院在慈順鄉朱池距城三十五里唐時建

名普光院

國朝賜壽聖普光院

白佛院在仁行鄉閭闔口

國朝淳化中建

法源院在芝川鄉安仁距城四十五里舊名歸善寺

國朝嘉祐二年改賜今名

鳳山院在仁行鄉莆田村距城六十里院基山勢如

鳳因以取名

道泉菴在芝川鄉上梓距城四十里

國朝開寶中建

龍門菴在芝川鄉胥口距城三十里

國朝開寶中建

粉泉菴在仁行鄉仁安嶺距城十二里

雲岫菴在建德鄉利距城二十里

祠廟

東嶽廟在城西唐浦距城五里

仁安靈應王廟在嘉貺門外二里據廟記神姓邵名

仁詳字安國性倨傲不拘小節隱烏龍山嘗

謁縣令怒其無禮因笞殺之仁詳且死語

人曰吾三日內必報之至期雷電晦冥有大

白蛇長數十丈至縣庭中令驚怖立死神空

中語人曰立廟祀我吾當福汝時唐正犯本字

仁宗犯本字嫌名觀三年也舊經載梁時封證仁宗嫌名

應王後或封護境感應王

國朝熙甯八年封仁安靈應王

按天聖十年章岷所作廟

碑謂錢武肅王嘗禱以濟師有應又云年載寢遠無書靡存護境之稱傳於里俗徒觀題榜莫究真僞疑為錢氏所封岷以無據紹興不敢臆斷後人乃謂天聖中封爵非也

二十九年加封忠顯乾道二年又加昭惠累

封至八字曰忠顯仁安靈應昭惠

鎮甯侯廟在城東五里神有弟妹三人梁正

本字犯仁宗嫌

名明四年敕睦州土地神兄封鎮甯侯神弟

封保靜侯神妹封慶安夫人告命今存

廣信王廟在城西五里據廟記神姓柳本河東人東

晉時爲新安內史本廟在分水縣柳山梁正

本字犯仁宗嫌名明四年贈尙書左僕射封廣福侯

後唐清泰三年封鴻仁廣信王告命今存

甯順廟距城隔江二里地名夫子隴俗稱倪祖夫人

其神夫倪可耕神妃則陳氏生子一人倪惇

媳婦化氏先因梁武帝大同年中侯景之亂

軍士恟恟坐甲圍衛時暑炎熾諸軍渴乏不

能水無履跣足驀逢一嫗一樵寓眾兵中攜

一熟水瓶令卒伍傾飲不竭復勞以草履令

均躡之逡巡鼓風無蹤諸卒驚駭梁皇聞其

事狀採訪所居迺新定郡南

舊本新安郡東南角傭民

倪氏母子有遊神攝化之術顯保國護境之

功詢已逝矣建立祠祀梁太清六年正月甲

申遣侍中馮道元持冊謚以顯應妃子封廣

利王化氏封東林郡君廟宇常遭滄寢於唐

正本字觀三年中書令馬周遷廟徙于夫子

隴號曰詔山南唐李景保大七年中宣城寇叛夢神驅水援之其寇果潰

因滋效實兩遣推忠協謀功臣甯國軍節度

使光祿大夫行御史中丞黃台持節追冊陳

氏加為顯應慈節聖妃子倪惇加封崇福廣

利王媳婦化氏封保甯夫人仍捨鍍金銀香

爐金絲縷珠蹙翠寶冠各一所唐龍紀元年

刺史因夢所感迺旌其廟表于朝忠烈太守

陳晟亦嘗詣廟祭告稱妃之姪孫祈保境城

并吳越國王錢鏐行制贈為顯應甯順妃廟

天福四年祀天遣牙將右監門徐唐卿留持冊於神累獲徵應周顯德六年

七月奉吳越國王旨揮立石少保兼司空同發遣軍政事碩議并書碑石具載甚詳凡郡內軍民祈禱其應兆隨誠立響非止一端枚舉稍繁

開元十三年東封吳兢請以歲時中分後一日行中祀之禮詔從之

國朝景德四年六月諸路亢旱降

御筆手書責令守令精加祈禱於廟卽時降雨起雲陰霈三晝夜申送轉運使保奏是歲漕使胡公諱則遣本司管勾文字儒林郎周寬夫到廟祈求雨暘甚獲感應大中祥符初得

旨降付轉運使令守令常加崇奉如法修葺
廟宇整肅長吏以時致祭改封顯應正節聖
妃仍從舊稱中書門下所降敕牒綾疏與神
諸頒封誥牒無直廟者俱留州庫祥符三年
六月尙書禮部符以杭越二州到廟禱雨有

感奉

○宣和二年方臘之亂焚毀其廟知州
周格委知縣葉輝重建廟事詳於傳

勅加封顯應正節聖惠妃子加封崇福承烈
廣利王化氏加封保甯協順夫人仍降賜錢

三千貫修廟

按新定雜記舊本是神未建祠
之先已有城下正臨土地廟其

神起自三國時迺五臺山突得骨汨兄妹弟
三人流入吳境寓此爲神唐末兩浙觀察使

錢鏐具聞朱梁末主正明四年二月方封神爵蓋聖妃所受梁朝爵號迺在其先也

蔣山明帝府君廟神諱子文姓蔣氏梁天監中封今

廟在水南二里相傳爲唐正本字犯仁宗嫌名元十

一年立一在靖林距城十五里又有祭龍壇在城西建昌山龍王廟側

隋司徒追封忠烈潁川陳公新廟在建德鄉集賢村

銅官山距城六十里據廟碑神名果仁仕隋

當義甯中羣雄交作司徒統眾晉陵窺覲者

畏伏旁衛江浙至唐乾符二年鎮海軍叛卒

王郢緣海爲寇節度觀察處置使禱謁有應

置廟郭南門具以事聞追封忠烈公中和三

年太守潁川公屯青溪土團兵士鎮銅官山
江女柅制衢信黦歛卽其地建新廟按果仁
及其事蹟皆不見於史傳其曰太守潁川公
則陳晟也經方臘之亂兩廟皆不存宣和四
年重建郭南門廟於建安山下旣又鄉民卽
故基立廟

威濟廟在晉潭嶺距城二十里舊晉潭神廟因討平
方臘之亂神有潛助之功宣撫使聞于朝宣
和三年賜廟額今遇早禱之須臾獲應

英烈王廟在胥嶺蓋伍子胥別廟舊不載祀典紹興

九年因修圖經考正本原取吳山本廟封爵名之歲時遣官致祭焉

朱太守祠在烏隴漢會稽太守朱買臣之神也又有別廟在朱池舊亦不載祀典紹興九年因修圖經知爲會稽郡地買臣故鄉爲加增葺歲時祀之

馬目山新廟在馬目浦口瀕江距城三十里唐文宗時刺史呂述建按述記謂先是州之右有潭曰魯潭其深無至鱗物宅焉因立廟潭上而馬目顧無之每有禱則附而祝曰告于魯潭

馬目之神開成己未歲旱請于神曰能雨則立廟越三日而雨乃泝江四十里躬擇神居依山取勢以爲新廟至今歲時祀焉水旱祈輒應

兩港龍王廟在水南先是雨漲則二水爭行溢入城爲患元祐八年知州呂希純卽二港匯流處立廟又爲文以祭二港龍神俾如兄弟更相遜避自是無復水患者四十年而歲久廟廢紹興四年水患復作州人相與重建自是安流今遷在望雲門外東山上其廢興始末附

見前卷祠廟門

山 巖洞附

建安山在城中百順門內

仁安山在城北一里高六百丈周同一百六十里舊名烏龍山其傍當驛路有嶺亦名烏龍嶺宣和初臣寮建言謂龍爲君象應州縣山水地名有龍字者當避及方臘之亂復言狂賊竊發由土地之名未正乞錫以忠順之名鎮定一方乃詔州縣鄉名及山與嶺悉改今名

平壁山在城西十里千仞壁立因以得名

松巖在城東南十里上有孤松奇秀特出因以得名
項山洞在龍山鄉松原距州四十五里水涌石以出
溉田甚廣冬夏不竭歲旱郡人取水城中禱
焉其應如響

馬目山在城西南二十五里山有峯如馬首狀中有
小峯如馬首之目因以得名山有神廟已見
祠廟
門

吳氏山在城西北四十里山下多吳姓人因名吳村
唐天寶中敕以名山

銅官山在縣西八十里舊經載新安記云秦時於此

置官采銅因以爲名

幽徑山在朱池西五里距縣四十里有漢朱太守墓
三雄山郡國志云上有顯庭石門關多牛馬跡在石

上

都督山郡國志云山極高峻臨江以占吉凶石崩墜
水內者死到半山而止者吉消散至水際者
免又有承金山相次以占吉凶焉

界山郡國志云山欲雨輒聞鐘鼓之聲與人擊之無
異

公山郡國志云山出水水有橋自然泛來行人噉之

恣飽食則可將去則病

自三雄山以下皆出太平寰宇記其謂郡國志非後漢書之郡國志也舊皆不載今淳安有都督遂安有公山未詳是否而三雄界山則莫知所在樂史以爲皆建德境內也史多藏異書必有所據

水

溪灘津渡湖池附

新安江

一名歙江一名歙港

在城南來自徽州至城東二里合

婺港又東入浙江按唐六典浙江水有三源

此其一也

東陽江

一名婺港

在城東南二里來自婺州與歙港合

七里灘在城東四十里山峽之中諺云有風七里無

風七十里因以名之

晉潭在州西南十七里潭上有神祠已見祠廟門

胥口江在州東二十五里地名胥村故以名水

灘

烏石灘

方門灘

大浪灘

中瀆灘

凍身灘

倉厚灘

揚溪灘

石關灘

馬目灘

海瀨灘

平壁灘

唐浦灘

王家灘

石壁灘

魚梁灘

顏屏灘

三河灘

津渡

東津渡在縣東南

水南渡在縣西南

小里渡在縣東十里

受祿渡在縣東十五里

胥口渡在縣東二十里

沈塢渡在縣南十五里

石壁渡在縣南二十里

石塘渡在縣南四十里

三河渡在縣南六十里

廟山渡在縣西五里

官裝渡在縣西十里

醫潭渡在縣西二十里

馬目渡在縣西三十里

楊溪渡在縣西三十五里

朱池渡在縣西三十里

歙村渡在縣西四十里

白沙渡在縣西六十里

銅官渡在縣西七十里

小洋渡在縣西三十五里

盦裏渡在縣南三十里

湖

在安秦門外廣袤五百四十二丈唐咸通中刺史侯

溫開置見方干集有侯郎中新置西湖詩詩

有一夕機謀萬古存之句

竇華洲在其中

國朝靖康元年知州凌唐佐申乞充放生池

詎今不廢

池

一在城西桂志塘

志一作枝

一在百順門外

古跡

黃饒距城四十里相傳黃巢爲亂欲過郡時陳尊宿
在城中語郡人曰勿憂乃織大草履置之城
西三十里外木杪賊至視之曰彼有人焉遂
出境後因名其地言爲黃巢所饒蓋俗語也

地產烏桲絕佳
甲於州境內

胥村距城四十里相傳伍子胥嘗逃難抵此後以名

村有廟

已見祠
廟門

朱池距城三十里相傳朱買臣讀書處其東有朱太

守祠唐李頻文其碑石今不存而文傳然詞頗淺近又頻集不載爲可疑文謂吳王濞舉兵民不遑居公逃難至此挹下涯水飲之曰水香而善其地可居於是深入大周大周地名得地爲蓬華而居之後去官因家於下涯之上築室讀書鑿池爲滌硯所後人卽其姓而名之曰朱池因其地招公之來名其里與橋皆曰招賢此皆本傳所無者其它皆放本傳傳謂買臣語其妻我五十當貴今已四十餘矣而碑作四十當貴今三十九矣當是故爲立

異又云咸帝末年立祠于烏隴之後今又立祠于朱池而不著歲月今二祠俱存

烏龍山顛之北有泉爲二池一清一濁方圓丈餘相傳謂之聖水歲旱酌取清者祈求率有應今鄰州禱雨亦來取之

賢令

房琯字次律開元中坐訊獄非是貶睦州司戶復爲縣所至上德化興善利以治最顯

人物

許法稜字道沖縣人唐代宗永泰中取帛聘不就

何起門縣人父死廬於墓唐大厯中刺史蕭定以狀

聞天子旌表門閭

碑碣

縣碑唐會昌四年八月一日立進士張秉文

隋司徒陳公新廟碑唐中和三年婺州軍事判官前

福建等州觀察巡官鄉貢進士許郴文在本

廟舊經謂不鏹年代今
視所刻年代甚明

馬目山新廟碑開成五年四月二十四日刺史呂述

文在本廟

右三碑皆載舊經今唯縣碑不存

九峯庵記贈諫議大夫江公望撰在本庵
興福院記贈諫議大夫江公望撰在本院

墳墓

漢會稽太守朱買臣墓在幽徑山

按朱異嚴州事跡曰朱池之西有山

名幽徑世謂買臣舊葬之山
山有叢棘俗號朱太守墓

烏龍 廟碑宣德郎團練推官

圖經卷第二

此卷板心原標一百葉至一百二十八葉

圖經卷第三

歷代沿革

望淳安縣本歙縣東鄉新定里之地孫權既定山越分歙置爲始新縣隸新都郡而縣爲郡治晉平吳改郡曰新安而縣仍舊名歷宋齊梁陳不改隋開皇九年郡廢改縣曰新安隸婺州仁壽三年置睦州縣復隸焉仍爲州治大業初改縣曰雉山隸遂安郡又爲郡治唐武德四年郡復爲睦州文明元年復改縣曰新安神功元年州治自縣徙建德開元二十年改曰還淳永正

本字犯仁宗嫌

名元年改曰青溪歷唐末五代及錢氏汜

國朝無所改易宣和三年平方臘

詔改曰淳安唐志爲上縣

國史九域志爲望縣

縣境

東西一百七十里

南北一百五十里

四至八到

東至建德縣界八十里以銅官嶺爲界自界至建德

八十六里

西至遂安縣界七十三里以楊嶺爲界自界至遂安

四十五里

南至遂安縣界四十三里以雲濛山安礪嶺爲界自界至遂安四十里

北至臨安府昌化縣界一百五十九里以審嶺爲界自界至昌化七十五里

東南到壽昌縣界七十五里以遼嶺爲界自界到壽昌五十里

西南到遂安縣界二十里以桐橋爲界自界到遂安四十三里

東北到分水縣界八十六里以塔嶺爲界自界到分

水六十里

西北到徽州歙縣界九十七里以深渡爲界自界到

歙縣一百一十里

水路

歙港水路在縣南西泝至徽州一百六十里東沿至

本州一百六十里勝四百斛舟

城社

輿地志云郡城賀齊所築自是汜唐神功閱四百八十

九年爲郡治

郡廢於開皇九年至仁壽三年卽新安故城置睦州其間不爲郡治者十四年東

面濠上西面臨谷南枕新安江北連岡阜周回二里二

百二十五步今仍舊阡東距州一百六十六里社壇在

縣西五里

鄉里

舊經云舊管鄉二十四今管十五今據本縣見管鄉十四與九域志合

開化鄉管里七

存鳳里

中節里

慈善里

龍亭里

四郭里

保安里

五龍里

進賢鄉管里八

宣化里

富康里

歙口里

裏湖里

公山里

仁孝里

梓桐鄉管里八

仙壇里

召石里

慈口里

普慈里

雲源里

富皇里

養村里

龍源里

仁壽鄉管里十

雲濛里

義合里

飛龍里

新期里

風潭里

賴爵里

方村里

浦首里

凌祐里

察源里

龍山鄉管里六

永暉里

臨津里

永甯里

合楊里

皎鑑里

成山里

蒙福鄉管里八

感化里

布正里

元殊里

大明里

順政里

軒渚里

馬頭里

小溪里

太平鄉管里七

安平里

雲燭里

豐家里

蕩雲里

現黃里

汪材里

石村里

清平鄉管里九

尋鳳里

舞危里

臨池里

富鴻里

從務里

口積里

槐嶺里

嶺北里

重礪里

昌期鄉管里十一

青善里

遵孝里

招仁里

柵源里

鶴鳴里

富過里

三會里

西陽里

依源里

厭口里

富息里

常樂鄉管里八

高貴里

上貴里

綾爛里

楊岸里

下諸里

龍源里

山下里

布山里

安樂鄉管里六

安定里

塔嶺里

豐源里

大有里

富昌里

郎洞里

長樂鄉管里七

官田里

雲潭里

喻口里

上寒里

桐山里

青源里

龍村里

永平鄉管里十

洪下里

富財里

來人里

永平里

富至里

余葉里

始新里

湖頭里

德教里

過村里

青溪鄉管里七

千仞里

觀停里

清義里

孤滕里

安順里

字化里

富量里

戶口

舊經載晉太康戶六百二十六而不載

國朝戶口數紹興己未戶一萬五千三百四十六丁二萬五千二百九十二

今戶口

戶一萬八千七百二十六

丁四萬五千七百九十七

學校

至聖文宣王廟在縣西八十步崇甯中

詔州縣建學卽廟爲之歲久頽圯紹興九年縣丞兼權

縣事汪仔葺而新之縣人前太僕少卿方聞爲之記

廨舍

縣衙在縣城正北

係京朝官知縣事

丞廨舍在縣衙西

主簿廨舍在縣衙西

尉司在縣衙西南

監稅務官廨舍在縣衙西南

監酒務官廨舍在縣衙東南

港口巡檢司在縣東南三十里

國朝寶元二年勅立管土軍一百人

威平洞巡檢司在縣西距縣四十里

舊名幫源洞屬萬年鄉宣和二

年方臘據洞作亂三年討平之
詔改洞曰咸平鄉曰永平置巡檢司管土軍

三百人紹興八年
省爲一百五十人

館驛

新安驛在縣城西

舊名青溪驛

倉務

縣倉在縣衙內東偏

酒務在縣衙東

稅務在縣衙西南

土貢

絹四匹

布三匹

稅賦

茶租免役和預買附

夏稅

絹舊額一萬三千二百三十六匹七尺九寸

今收四千九百八十三匹有畸

紬舊額三千六百五十五匹二丈五尺一寸

今收二千五百六十二匹有畸

綿舊額一千一百六十四屯二兩八錢

今收二千三百五十五兩

秋稅

苗米舊額四千七百九十三石五斗八勝四勺

今收五千九百九十九石七斗有畸

茶租錢舊額三千五百七十七貫文

今額六千貫文

免役錢舊額一萬二千七百八十一貫三百四十五

文

今額一萬五千二百四十八貫六百七十二文

和預買

絹舊額一萬四千二百五十五匹

今收一萬三千七百五十五匹

紬舊額五千四百匹

今收三千八百七十四匹

絲舊額四千兩

今收五千五百兩

生紬線舊額八百兩

今收一千兩

課利

茶

遞年批發八十一萬二千四百斤計引錢一十三萬
七千一百八貫文紹興己未批發九十四萬

四千一百斤計引錢一十六萬四百九十六貫文

今批發九十三萬四千一百斤計引錢二十萬五千五百二貫文

遞年住賣五百斤計引錢八十五貫文
今賣一千斤計引錢二百二十貫文

鹽

遞年五十一萬八千四百斤計引錢二萬二千三百八十六貫文
紹興己未賣五十三萬五千二百斤計引錢二萬三千一百七十九貫文

今賣一百二十八萬三千四百斤計引錢八萬九千八百三十八貫文

香無額

礬

遞年二百斤計引錢三十貫文紹興己未賣四百斤計引錢六十貫文

今賣四百一十四斤計引錢四十一貫四百文

酒稅

縣郭酒務舊係人戶買撲元額一界淨利錢六千四百一十貫文每月課利錢七十三貫三百二

十五文紹興六年知州胡寅請于

朝設置官酒務認還各課錢外以所得息錢
充本州經費計紹興七年所收除還外爲錢
二萬九千三百五十八貫三百三十三文
今額收一界淨利錢九千六十貫文增添五分
錢四千五百三十貫文

每月課利錢七十三貫三百二十五文

村坊舊管一十二處三處買撲九處分認元額一界
淨利錢一萬七百五十三貫九百七十四文
紹興己未每月課利錢一百三十五貫五百

七十一文

今四處買撲八處分認收一界淨利錢一萬二千二百一十二貫八十一文增添五分錢四千五百六十一貫四十四文

每月課利錢九十八貫七百三十九文
稅務租額五千二百五十八貫文紹興己未收五千四百一十九貫文

今收七千八十九貫九百六十五文

牙契稅錢租額一千三百五十三貫文紹興己未收二千四百九十七貫文

今收四千二百九十二貫三百四十二文

寺觀

天樂觀在昌期鄉漢乾祐元年建名常樂觀耆舊相傳昔有道士徐姓年八十一夢大羅天賜詩云片善文章莫自輕大羅天上望歸程銀河別有乘槎路月苑甯無折桂名鸞鶴相迎歸碧洞煙霞接引到神京使卿便作遊仙客布德行恩救萬靈明日白眾尸解而去國朝宣和元年詔天下宮觀及三十開以上者賜額州具以聞遂賜今名

靈巖宮在縣東北四里今廢

洞靈宮在蒙福鄉係遂安縣廢額紹興八年道士高大有請于州卽靈巖山建

靈耀宮在進賢鄉舊爲女冠所居今廢

神景寺在縣西五里唐大中元年建係尼寺久廢後移社壇于其地

保安寺在縣衙西晉天福八年建

轉教寺在縣西二里齊昇平三年建

國朝天聖中 詔重修經方臘之亂不存後稍葺之

彌陀院在縣前溪南二里唐廣明二年建

無礙院在縣西二里治平三年建

廣明院在縣西二里唐廣明元年建

靈瑞院在縣東四里舊係靈巖道宮相傳漢乾祐二

年改爲僧院易今名

聖德寺在縣東北紹興五年僧曇素請于州得桐廬

縣廢額建

永初院在龍山鄉唐大中年建名興福新會院

國朝康定中賜今名

法照院在蒙福鄉唐咸通八年建名大明院

國朝大中祥符九年
中書劄子睦州十四處
寺院未有

敕額賜今名

石佛院在仁壽鄉乾德元年建相傳有地名富常潭
石佛現長六尺五寸迎置于院因以名

普安院在仁壽鄉建隆三年建

冰絜院在仁壽鄉建隆二年建

富興院在太平鄉乾德元年建

靈源院在太平鄉晉天福八年建

回向院在太平鄉慶厯中建

某褚院在清平鄉唐咸通八年建
富洪院在清平鄉唐大中六年建
臨池院在清平鄉周廣順四年建
富巖寺在進賢鄉晉天福四年建
靈耀院在進賢鄉舊係女冠靈耀宮後唐長興四年
改爲僧院仍其名

柵源院在昌期鄉不知所建年代院有至道三年知
縣事孫讜撰重建殿宇記有云越王勾踐襲
吳兵行之際於此源口立砦柵千載而下始
有是寺因地而稱又曰寺有聖者像鄉民歲

時早暵不待暴尫禱必獲應又曰院壁得咸
通十三年沙門師魯書武宗詔毀天下佛寺
聖者之像巋然曾不焦壞洎像教復興邑人
王璿得之於山塢泥潦之中相好儼然蓋彰
是教之不可泯其大要如此

三會寺在昌期鄉梁大同三年建

鶴鳴院在昌期鄉唐武德元年建

靈巖院在常樂鄉唐咸通八年建

龍泉院在昌期鄉唐咸通七年建院有泉一泓許能

出雲雨以蘇旱乾疑有龍在焉因以名

國朝政和六年縣人裒錢一新贈諫議大夫
江公望爲之記具載龍泉之異其略曰一斛
之水甚微龍託之而神濡爲膏澤以福於人
而佛祠託之以興餘不盡載

靜樂院在常樂鄉唐正

本字犯仁宗嫌名

觀元年建

國朝熙甯四年重建見進士徐龜蒙所作記

豐源院在安樂鄉梁正

本字犯仁宗嫌名

明二年建

沙碓院在安樂鄉唐會昌六年建

按武宗方毀天下佛寺不應當時所

建或地僻鄉民私立不然年代傳誤也

新定院在安樂鄉建隆二年建

主教院在長樂鄉後唐清泰二年建

清泉院在長樂鄉後唐長興三年建

龍華寺在青溪鄉舊名永泰不知所建年代寺有寶

大二年鄉岳將方鄴等乞重修狀後判依執

押字及有寶大三年睦州請僧住持帖後繫

司空判軍州事郭押皆見存按寶大寶正皆錢氏年號別見

事志

國朝政和三年以犯

哲宗陵名改今名

惠明院在仁壽鄉雲濛山舊名雲濛庵紹興元年僧

楚月詣

行在所陳請得臨安府廢額歸以名其院院
有保甯庵慶壽堂見宣和六年縣人方聞所
題石刻

神景尼寺在縣東唐大中元年建

龍巖尼寺今廢

靜居尼寺今廢

祠廟

城隍廟在縣內東偏

真應廟在縣內其神方儲相傳後漢時以賢良方正

仕和帝後爲洛陽令卒贈黟縣侯立廟名洛陽唐垂拱四年爲狄梁公焚毀後邑人復立之

國朝政和七年縣人方適方奕與父老狀其靈異列于轉運使轉運使爲請于

朝賜今額其後裔方閻方聞今皆歷顯官

南部行事廟在縣西相傳爲方儲之兄名儕後漢時封關內侯補南部行事在任有恩及民因爲立廟

都督廟在縣前渡南瀕江相傳爲方儲弟儼後漢時

爲大都督旣死爲立廟其後見夢於人人爲更廟於南山因名都督山

五龍廟在縣東五里相傳其神爲方儲之子名觀之宋齊邱相公祠在昌期鄉相傳齊邱嘗避地居此終焉按齊邱晚爲李璟放于青陽縊而死不知此何據且爲何神也今一鄉多宋姓自言皆其後裔祠有靈異鄉民歲時禱祀焉

烏龍廟二

一在清平鄉尋鳳里按章岷所作烏龍山廟記載邵仁詳之先因石勒之亂渡江有名數

者嘗爲東陽太守敷之孫曰坦仕爲新安令
宋元嘉二年卒葬青溪邑之現王山時有相
其墓者曰後當有王侯之封宋齊閒使望氣
者占之因斷其地脈復有相者云猶當出陰
中王唐正本字犯仁宗嫌名觀中仁詳以處士爲建
德令周光敏所害後爲烏龍山之神卜宅之
吉至是果驗本廟在烏龍山下而此廟之神
疑爲坦也廟有碑刻元祐三年鄉民邵宗旺
等捨山林以奉遠祖仁安靈應王蓋指爲仁
詳別廟也

一在太平鄉廟亦有碑大中祥符五年所刻
載仁詳清平鄉人既被害歸其柩尋鳳里葬
焉前廟乃卽其地此廟爲邵詔者所建亦仁
詳之後裔其文詞淺俚不足錄今兩鄉歲時
各於其廟奉祀焉

何侍郎廟在安樂鄉廟有碑載神爲何姓而不著名
謂其先從晉過江卜居新安仕陳文宣帝位
吏部侍郎以讒見戮太建二年立廟按陳文
帝之後爲宣帝宣帝卽位改元太建今日仕
文宣帝而以立廟于太建其說乖戾餘載年

代尤差互皆不足考證後列何姓者數人當是共立廟以祀其先借爲此官稱爾然傳世既久亦不必毀云

項仙姑廟在蒙福鄉耆舊相傳項氏姊妹自其家歸甯臨流欲渡無船因以帔爲梁而過後人名其地爲渡瀆

山

雉山在縣西南一里周回七里四十步舊經載新安記云郡西南渡水一里餘有山如鳳立雉蹲因以爲名隋嘗取以名縣

都督山在縣南卽方儼嘗所居也山因以得名

靈巖山在縣東北六里周回十二里舊經載地理志云吳永安五年黃龍見於此因名龍山唐元和元年觀察使牒改今名

邁山在縣西北六里舊經載新安記云其山重疊邁於諸山故以名今觀山形盤礴連延四面諸山皆若相向

南來山在縣西北一百三十里山勢自北來南故以名

東泉山在縣東北一百五十里舊名覆船取山形之

似其南出泉三派並東注唐元和中觀察使牒改今名

重阮山在縣東八十里山有二阮故以名

蔗山在縣東四十二里中間平地二頃故老相傳云

昔人於此種甘蔗因以名山

雲濛山在縣南十八里高五百丈周圍七十里出眾

山之上天欲雨先見雲霧滂然濛其上故以

名山下有廟相傳為漢時建而無年代可考又謂舊封護國府君後封錢國王謂是

國朝仁宗時亦無可據

水 溪灘津渡附

新安江在縣南出徽州自歙縣深渡入縣界至白馬
砂入建德縣界湍險迅急春夏漲濫中流不
可行舟秋冬澄澈見底故沈約詩云眷言訪
舟客茲川信可珍洞澈隨清淺皎鑑無冬春
李白亦云青溪清我心水色異諸水借問新
安江見底何如此

東溪在縣東一里

灘

深渡灘

息灘

慈灘

龜石灘

黃石灘

顧珉灘

賴雀灘

麻車灘

浪渴灘

盧堪灘

額賴灘

羅頂灘

義里灘

小溪灘

津渡

縣前渡在縣南

召石渡在縣西九里

息灘下渡在縣西三十里

軒渚小溪渡在縣東五十一里

古跡

錦砂村在縣西八里舊經據新安記云林木森聳波

流澄澈映石如錦故以名寰宇記云傍山依
壑素波澄映錦石舒文冠軍吳喜聞而造焉
鼓柁游泛彌旬忘返歎曰名山幽谷故不虛
賞使人喪朱門之志

軒清溪在縣東五十一里新安記云洛陽令方儲乘
鶴軒至此登船遂以名溪後人復立廟以祀
仙翁名軒駐言鶴軒嘗駐此也

時里石門在縣西四十里輿地志云石門關者神門
也常爲霧塞無人得見孫和太子避難至此
逢大雨平地盡沒卽以白牛白馬祠祭天地

神祇三日雨歇見有石門今驗見存

廢昌亭在縣東十里輿地志云梁天監二年郡守任
昉於此亭送許由

右建德府府境圖東西三百九十里南北三百三十里東至臨安府三百一十里西至徽州三百七十里南至婺州一百五十里北至臨安府二百七十里東南到婺州一百八十里西南到衢州二百一十里東北到臨安府三百一十里西北到徽州三百一十里其水路東沿浙江至東梓浦入臨安界一百三十三里南泝東陽江至三河湍入婺州界五十里西北泝新安江至街口渡入徽州界二百五十里

圖經卷第三

終此卷板心原標一百二十九葉至一百

二十九葉至一百

